

Эдилов Хасмохьмад



Кечийна: Презентац кечийнарт

Грозный-г1алара №1 йолу гимназин хьехархо Дударова Марита А.

Кхолларалла а, Дахаран некъ а



- Поэт, прозаик Эдилов Хасмохьмад вина 1922 шеран 16 ноябрехь Нохчийчоьнан Ачхой-Мартан районерчу Валартлехь ахархочун Эдалан доьзалехь.

Эдилов Хасмохьмада юьхьанца цлахь дешна. Юьртара школа чекхъяьккхинчул тлаьхьа 1936-чу шарахь хьехархойн училищехь а, тлаккха Нохч-Галгайн АССР-н Халкъан дешаран комиссариатехь йиллинчу политпросвет школахь а дешна цо. 1941 - 1944 шерашкахь Эдилов Хасмохьмада белхаш бина Халкъан дешаран комиссариатехь школийн инспектор волуш а, республикански Халкъан кхоллараллин цийнан инструктор волуш а, Ачхой-Мартанехь суьдан исполнителан даржехь а. Дуккха а тлаьхьа чекхъяьккхина Эдилов Хасмохьмада Нохч-Галгайн педагогически институтан историко-филологически факультетан оьрсийн меттан, литературин, нохчийн меттан, литературин отделени.

Нохчийн халкъан барта кхолларалле члогла шовкъ йолуш хилла Эдилов Хасмохьмад. Цо дукха ешна къоман барта произведенеш, цаьргахула веана лорура цо ша исбаьхьаллин литературе а. Ша яздан волалуш Мамакаев лаьрбис члогла гю дина шена олура цо. Поэзехь шен хьехархо а лорура цо и нохчийн гоьваьлла волу поэт Мамакаев лаьрби.

Эдилов Хасмохьмад яздан волавелла 1937-чу шарахь, хьехархойн училищехь доьшуш волчу хенахь. Амма шина-кхаа шарахь а шен стихотворенеш зорбане ца елла цо, уьш ледара хеташ. Дуьххьара цуьнан стихотворени зорбанехь араьлла 1939-чу ша рахь.

Сийлахь-боккха Даймехкан тіом болабелча, Нохчийчоьнан яздархоша арахийцира “Фашисташна дуьхьал стихаш” цӀе йолу книга. Оцу книги тіехь кхечу поэтийн стихотворенешца цхьаьна зорба тоьхна яра Эдилов Хасмохьмадан масех стихотворени а. Уьш яра: “Темало -хьогь!”, “БӀаьрзе стаг”, “Кавказан аьрзу”, “Суьрте”.

- «Кавказан аьрзу», «Суьрте» цӀерш йолчу стихотворенешкахь Эдилов Хасмохьмада хӀоттийна вайн Даймехкан сийлахьчу кӀентан Советски Союзан Турпалхочун Нурадилов Ханпашин васт. Нурадилов Ханпашас шен кьона дахар дӀаделла Даймохк ларбеш. Ханпашина дукха безара ша кхийна Даймохк, цуьнга ца лалора фашистски йовссарша иза аьшнашбеш. Шен лаамехь фронте вахана волю Нурадилов чӀогӀа летара мостагӀех, цаьрга болчу цабезамех дуьзнера цуьнан майра дог. Луьрачу тіамехь цхьа эзар гергга фашист вожийра турпалчу пулеметчика. Поэта исбаьхьаллин васт хӀоттош билгалдоккху кьоначу тіемалочун бӀаьхаллин хьуьнарш, Даймехкан а, халкъан а дуьхьа цо шен дахар дӀадалар. Нурадилов Ханпаша шен са кхоош а, ѳжаллех кхоьруш а вац. Иза Даймаханна орцахваьлла, хьашт хиллачохь ѳжалла тіе эца кийча ву. «Ша винчу халкъана дахар дӀаделла, герзаца ѳжаллин тіаме дӀахӀоьттира» – боху стихотворени тіехь.

- ▶ Лирически турпалхочун кхоллам Даймахках, Лаьттах дӀакъасталур боцуш бу. «Турпалхойн моӀарехь» шен Ӏожаллин сахьт тӀехӀоттича а, бовхачу безамах юьззина йолчу сирлачу ойланца боху цо»: «Чурта тӀе яздан хьан баркалла оьшу, ирс кьуйсуш веллачун сий делахь, Латта!»
- ▶ Нохчийн къам махках давккхинчу хенахь Казахстанехь цхьана муьрехь юккьерчун школахь хьехархо хилла Эдилов Хасмохьмад. Цул тӀаьхьа цхьацца бахамаллин меттигашкахь белхаш бина цо.
- ▶ 1955-чу шарахь Алма-Атахь нохчийн маттахь арахеца долийна «Къинхьегаман байракх» цӀе йолу газета. Оцу газетан редакцехь литературни белхахо хӀоттийна Эдилов Хасмохьмад. Деган айамца болх бина цо газетехь. “Къинхьегаман байракх” тӀехь кест-кестта зорбатухура нохчийн яздархойн произведенеш, керла очеркаш, дийцарш, стихотворенеш тӀехь йолуш кечйора динна литературни аӀонаш. Нохчийн яздархой кест-кеста гуллора газетан редакцехь, йийцаре йора керла произведенеш. Эдилов Хасмохьмадан поэтически говзалла кхиарехь мехала хан хилла иза. Поэта оцу муьрехь а язйина алссам произведенеш. Царах ю: «Даймехакан байракх», «Ненан ирс», «Билгало», «Буйса», «Машаран урам», «Бер дийна нана», «Алжирка», «Дацоран байракх», «Апрелан буйса», «Или», «Ло догӀуш», «Бетпак-Дала есаллехь», «Ма кховдаде лазар». Тайп-тайпана чулацам бу оцу стихотворенийн, амма уьш массо а поэтан стихан говзалла шайца гучуйолуш ю. Масала «Или» стихотворенин строфаш:
- ▶ Илли кхобу шанийн бено,
ТӀулгийн матто ловзадо.
Лаьмнийн бердийн апарино
Ӏуьйдуш санна гловӀа йо.
- ▶ Цинцаш детташ я мотт хьоькхуш,
ТӀулган пенаш кьегадо.
Шен гловӀанца Ӏаннаш декош,
ОьгӀазе кхес гӀиттайо.
- ▶ Цу гаттонехь арадолий,
Цо шен чабол йохайо.
Кхаьчча санна дикчу хьоле,
Кура болар доладо.



- ▶ Эдилов Хасмохьмадан дуьххьарлера стихотворенийн книга араяьлла 1958 шарахь Нохч-ГалгӀайн книжни издательствехь. “Октябран серло” цӀе йолу и сборник суперобложка а йолуш, хаза кечийна яра. Поэтан 45 стихотворений, шиъ поэзий яра цу тӀехь зорботоьхна. Сийлахь-боккха Даймехкан тӀом болчу хенахьлера а, цул тӀаьхьа махках ваьккхинчу хенахь Казахстанехь язйина а стихотворенеш яра сборника юкъаяхнарш. «Турпалхо», «Сийлаха» цӀерш йолу поэмаш а яра. «Турпалхо» поэма теллинчара билгалдаьккхина иза «идейни чулацам кӀорга хиларца, исбаьхьаллин агӀонхьара дика хиларца, говза композици йолуш хиларца къаьсташ ю» аьлла. Оьрсийн Илманча-геолог, географ Иван Васильевич Мушкетов гайтина поэми тӀехь. Иза Казахстанан мохк толлуш, иза Илманца цӀинбан лалашо йолуш ву. Мушкетов санна болчара шайн хьаналчу кӀинхьегамца караерзайо хьалха эрна лаьттина гӀамарийн аренаш, йохку керла заводаш, лаладо болат, кхиабо бамба. Уьш бу заманан турпалхой, цара кхуллу керланиг, хаздо дахар. КӀинхьегаман турпалхочунна хастам бо поэмин говза кхоьллинчу стихашкахь. «Турпалхо» поэма Эдилов Хасмохьмадан кхоллараллехь лиро-эпически жанр кхидла а кхуьуш хиларан билгало яра.
- ▶ Стихийн, поэзийн хьалхара сборник араяьллачул тӀаьхьа цхьа- ши шо моццаз дели керла книгаш арайийлина поэта. Царах ю «Лаьттан цинц», «Ненан безам», «Дуьнненан юкъ», «Кханенга воеду», «ДоттагӀийн дош», «Заманан лараш», «Баьццара алу», «Деган доккхадер», «Сан ирс», оьрсийн маттахь «Улица мира», кхийолу а поэтически книгаш. Поэзин эпически жанрехь кхиамца болх бина Эдилов Хасмохьмада. Зорбанехь арахеца цуьнан “Шиннан къайле”, “Аьчга борз”, “Турпалхо” цӀерш йолу поэзийн сборникаш. Дика тӀеийцира яздархочун прозехь язйина произведенеш: повесть “Кхиэл”, дийцарийн сборник “Акхаройн лорах”.



- ▶ Эдилов Хасмохьмадан кхолларалла шуьйра чулацам болуш ю. Иза нохчийн къоман дахаран дозанашкахь сецна вац. Тайп-тайпанан мехкаш, тайп-тайпанан дахаран хьелаш го вайна цуьнан произведенешкахь. Яздархочун турпалхой тайп-тайпанчу къаьмнийн векалш бу: нохчий, оьрсий, казахаш, гуьржий, украинцаш, алжирхой, немцой.
- ▶ Исбаьхьаллин дешан кӀорггера говзалла яра Эдилов Хасмохьмадан. Къоман барта поэзина тӀе а тевжаш, шел хьалхарчу нохчийн яздархошкара мехалниг схьа а оьцуш, шен исбаьхьаллин некъ биллина цо литературехь.
- ▶ Эдилов Хасмохьмадан стих нохчийн поэзин ламасташца йогӀуш ю. Поэтически сурт кхолларан гӀирсашца, маттаца, исбаьхьаллин басаршца чолхенаш яц, чуччахулу даьхна хӀумнаш дац. Цуьнан произведенеш гӀиллакх-оьздангаллин проблемаш ойбуш, дахаран кӀорггера ойла йойтуш ю.
- ▶ Доккха гӀуллакх дина Эдилов Хасмохьмада кхечу къаьмнийн литературин произведенеш нохчийн матте йохуш а. Цо гочийна луларчу къаьмнийн а, оьрсийн а поэтийн стихаш. Нохчийн матте яьккхина М. Ю. Лермонтовн «Измаил-Бей» цӀе йолу поэма а, дуккха а кхийолу цуьнан стихотворенеш а.
- ▶ Эдилов Хасмохьмад кхелхина 1991 шеран 11 ноябрехь Соьлжа-ГӀалахь.
- ▶ Эдилов Хасмохьмада шен исбаьхьчу произведенешца мехала хазна йиллина нохчийн къоман литературы юкъа.

Баркалла!

